

DIE XVI. SEPTEMBRIS.

B. IMELDÆ VIRG. ORD. PRÆD.

DUPLEX.

Oratio.

DOMINE Jesu Christe, qui beátam Vírginem Iméldam, igníto caritátis amóre sauciátam, et immaculáta Hó-stia mirábiliter reféctam, in cælum suscepísti : fac nos, ejus intercessióne, eódem caritátis fervóre ad sacram mensam accédere & ut appetámus dissólvi, et esse tecum mereámur : Qui vivis.

In j. Vesperis Memoria S. Euphemíæ Virg. et Mart.

Oratio.

OMNIPOTENS sempitérne Deus, qui infirma mundi éligis, ut fórtia quæque confúndas : concéde propítius ut, qui beátæ Euphémiæ Vírginis et Mártiris tuæ solémnia cólimus & ejus apud te patrocínia sentiámus : Per.

DIE XVII. SEPTEMBRIS.

IN IMPRESSIONE SS. STIGMATUM S. FRANCISCI C.

DUPLEX.

Omnia (præter Orationem) de Communi unius Confessoris.

Hymnus ita inchoetur : Iste Conféssor Dómini sacrátus, Sóbrius, castus fuit et quiétus...

Oratio.

DOMINE Jesu Christe, qui, frigescénte mundo, ad inflam-mánda corda nostra tui amóris igne, in carne beáti Francísci Passiónis tuæ sacra Stigmata renovásti : concéde propítius ut ejus méritis et précibus crucem júgiter ferámus & et dignos fructus poeniténtiæ faciámus : Qui vivis.

In j. Vesperis Memoria S. Lamberti Episc. et Mart.

Oratio.

DA, quæsumus omnipotens Deus : ut qui beáti Lam-béрти Mártiris tui atque Pontíficis solémnia cólimus & ejus apud te intercessiónibus adjuvémur : Per.